

Yam Tshuaj Tiv Thaiv Tus Kabmob COVID-19 Pfizer Cov Txiaj Ntsim Zoo thiab Phem

Nkag siab txog cov txiaj ntsim zoo thiab phem ntawm txoj kev mus txhaj ob koob tshuaj tiv thaiv tus kabmob COVID-19 Pfizer uas yuav tiv thaiv koj ntawm tus kabmob COVID-19. Yam tshuaj tiv thaiv no yog ib yam uas koj yog tus txiaiv txim los mus txhaj. Mus nrog lub chaw txhaj yam tshuaj tiv thaiv sibtham no sib tham yog koj muaj lus nug dabtsi.

Hais Txog Yam Tshuaj Tiv Thaiv Kabmob Ntawm No

Yam tshuaj tiv thaiv kabmob no yeej tau txais kev tso cai los ntawm fda kom coj mus txhaj tau rau cov tib neeg muaj hnuv nyoog 16 xyoo thiab laus dua tsis muaj kev txwv ntxiv lawm. Yam tshuaj tiv thaiv kabmob no yeej tau txais kev tso cai kom coj mus txhaj tau rau cov tib neeg muaj hnuv nyoog 12 mus rau 15 xyoo nyob rau lub sijhawm tam sim no xwb. Yam tshuaj tiv thaiv ntawm no yog ib yam uas yuav tau txhaj ob koob, txhaj koob ob li peb limpiam tom qab txhaj tag thawj koob uas yog txhaj rau ntawm cov leeg nqaij.

Cov Txiaj Ntsim Zoo Ntawm Yam Tshuaj Tiv Thaiv Kabmob Ntawm No

Peb yeej pom tias yam tshuaj no yeej tiv thaiv tau kom tib neeg tsis txhob mob tus kabmob covid-19, tsis txhob tau mus pw kho nyob hauv tsev khomob lossis tsis txhob tuag tom qab lawv mus txhaj tag ob koob tshuaj no uas yog txhaj koob ob li peb limpiam tom qab txhaj tag thawj koob.

Tej Yam Uas Xav Tias Yuav Muaj Thaum Koj Mus Txhaj Tag Cov Tshuaj Tiv Thaiv

Cov kev fab tshuaj uas neeg tau hais tawm tias lawv muaj tom qab lawv mus txhaj tag yam tshuaj no yog muaj zoo li qhov hais tias lub qhov koob huam tuaj thiab mob taub hau, nkees nkees tsis muaj zog li, mob tej leeg nqaij, xeev siab, thiab ua npaws.

Tej Yam Phem Uas Ntxim Yuav Muaj Los Ntawm Yam Tshuaj Tiv Thaiv Kabmob Ntawm No Txawm tias nws yeej muaj ib feem me me uas tib neeg tseem yuav kis tau tus kabmob covid-19 los, cov txiaj ntsim zoo ntawm yam tshuaj no yeej muaj ntau tshaj li qhov phem:

- **Txoj Kev Muaj Kev Fab Tshuaj Hnyav:** Nws yeej muaj ib feem me me tias yam tshuaj tiv thaiv kabmob ntawm no yuav ua tau kom muaj kev fab tshuaj loj (ua pa nyuaj, lub ntsej muag thiab caj pa o tuaj, lub plawv dhia ceev, ua pob co thoob plaws koj lub cev, kiv taub hau, tsis muaj zog), uas ntau zaus yeej muaj li ntawm ob peb feeb mus rau ib teev tom qab mus txhaj tag koob tshuaj. Yog koj muaj ib qho kev fab tshuaj loj, hu 9-1-1,
- **Kev Mob Cov Leeg Nqaij Thiab Cov Npluag Nqaij Ntawm Lub Plawv:** Nws yeej tau muaj ib cov tib neeg uas cov leeg nqaij thiab npluag nqaij ntawm lawv lub plawv muaj mob tom qab lawv mus txhaj tag yam tshuaj tiv thaiv tus kabmob covid-19 Pfizer, tshwjxeeb tshaj yog muaj rau cov menyuam tub hluas thiab tub ntxhais hluas, nquag muaj ntau tshaj rau thaum mus txhaj tag koob tshuaj thib ob, thiab nquag muaj nyob hauv lub sijhawm li ntau ntau hnuv tom qab mus txhaj tag koob tshuaj. Koj yuav tsum tau mus ntsib kws khomob yog tias koj muaj cov tsos mob ntawm txoj kev mob cov leeg nqaij thiab npluag nqaij ntawm lub plawv, suav nrog rau mob hauv siab, txog siav, thiab hnov zoo li koj lub plawv khiav ceev heev, khiav tsis tshua taus, lossis sib zog khiav heev li.

Yog Tias Koj Muaj Kev Fab Tshuaj

Yog koj muaj ib qho kev fab tshuaj loj, hu 9-1-1, lossis mus rau ntawm lub tsev khomob uas nyob ze koj tshaj. Hu rau lub chaw txhaj tshuaj lossis koj tus kws khomob yog koj muaj ib yam teebmeem muaj nrog yam tshuaj tiv thaiv no uas koj hnyav siab lossis pheej tsis txawj zoo li.

Kev Txiaiv Txim Tias Puas Yuav Mus Txhaj

Yam tshuaj tiv thaiv no yog ib yam uas koj yog tus yuav txiaiv txim los mus txhaj.

Xav Paub Ntau Tshaj No Ntxiv

[Pfizer: Txoj Kev Sib Zog Hais Kom Neeg Mus Txhaj Cov Tshuaj Tiv Thaiv Tus Kabmob COVID-19, Cov Tshuaj Tiv Thaiv Tus Kabmob COVID-19, Cov Ntsiab Lus Qhia Dav Dav Txog thiab Txoj Kev Nyabxeeb Ntawm Yam Tshuaj Tiv Thaiv Pfizer BioNTech](#), [Nkag Siab Txog cov Tshuaj Tiv Thaiv Tus Kabmob COVID-19 mRNA](#), lossis hu 1-800-438-1985.

